

Hafnarfjörður 16.11.2020

Efni : Umsög um, Drög að frumvarpi um breytingu á ýmsum lögum um skatta og gjöld
(skattalegir hvatar fyrir lögaðila sem starfa til almannaheilla)

Undirritaður lýsir ánægju yfir framkomnum drögum að frumvarpi um breytingar á ýmsum lögum um skatta og gjöld er varðar lögaðila er starfa til almannaheilla.

Það er skilningur undirritaðs að drögin byggi að mestu á skýrslu starfshóps um skattlagningu á starfsemi sem fellur undir þriðja geirann (lögaðila er starfa til almannaheilla) 29.jan.2020.

Í skýrslunni segir á bls. 67-68,

Stuðningur vegna útlagðs byggingakostnaðar,

Starfshópurinn telur rétt að þeim lögaðilum sem starfa til almannaheilla og hlotið hafa staðfestingu frá Skattinum í kjölfar skráningar á almannaheillafélagaskrá verið veitt heimild til að óska eftir fjárstuðningi úr ríkissjóði af útlögðum kostnaði vegna **byggingar,viðhalds eða endurbóta á mannvirki undir starfsemi til almannaheilla** upp að ákveðnu hámarki, að uppfylltum ítarlegum skilyrðum.

Til að koma á mótis við byggingarkostnað og kostnað vegna viðhalds og endurbóta á mannvirkjum undir starfsemi til almannaheilla leggur starfshópurinn til að lögaðilum í slíkri starfsemi verði veittur réttur á stuðningi **í formi endurgreiðslu á hluta útlagðs kostnaðar upp að ákveðnu hámarki**, að uppfylltum ítarlegum skilyrðum

Eingögnu væri um að ræða þá lögaðila sem skráðir væru á almannaheillaskrá hjá Skattinum og væru þannig viðurkenndir sem slíkir. Þá yrði eingöngu um að ræða byggingarkostnað sem fellur ekki til vegna lögbundinna skyldna opinbera aðila, s.s. sveitarfélaga og ríkis og / eða stofnanna þeirra vegna byggingar mannvirkja auk þess sem að opinberar fjárveitingar skyldu að öðru leyti ekki hafa verið veittar vegna byggingar þess mannvirkis sem um ræðir.

Sett yrði sem skilyrði að byggingarkostnaði vegna framkvæmda við mannvirki almannaheillafélags yrði haldið aðgreindum frá öðrum útgjöldum þess og að slíkur stuðningur yrði háður leiðréttingu sem yrði virk er mannvirkið yrði nýtt í öðrum tilgangi en til almannaheilla.

Jafnfram yrði gerð krafa um að kostnaðargreining vegna byggingar mannvirkis yrði árituð af endurskoðanda, skoðunarmanni eða viðurkenndum bókara.

Það er og hefur verið skilningur undirritaðs að lögaðilum sem starfa til almannaheilla verði endurgreiddur hluti, t.d 25% kostnaðar vegna byggingar,viðhalds eða endurbóta á mannvirkjum að gefnum ákveðnum skilyrðum, s.s. að byggingin/aðstaðan sé fjármögnuð af lögaðilanum sjálfum, að byggingin/aðstaðan sé til notkunar fyrir lögaðilann, að hámark sé á endurgreiðslu hvers verkefnis t.d. 250 milljónir.

Undirritaður gerir að tillögu sinni að ákvæði um endurgreiðslu hluta byggingarkostnaðar verði í þá veru sem hér að ofan greinir og fundinn staður í frumvarpi þessu.

Starfsemi lögaðila sem starfa til almannaheilla er að stærstum hluta rekinn af sjálfboðaliðum og í öllu falli ekki hagnaðardrifin.

Að endurgreiða hluta byggingarkostnaðar að uppfylltum ákveðnum og ítarlegum skilyrðum sem og með fyrirfram gefnu hámarki gerir mörgum þessara lögaðila kleift að ráðast í byggingu eigin aðstöðu sem í öllum tilfellum leiðir til þess að hagsýni er höfð að leiðarljósi.

Það er öllum ljóst hve mikilvæg félög sem starfa til almannaheilla eru íslenskri þjóð, hvort heldur eru íþróttir og æskulýðsstarf, starfsemi björgunarsveita, mannúðar- og líknarstarfsemi, vísindaleg rannsókanarstarfsemi og annað er undir þennan flokk heyrir, verður það starf sem þessi félög inna af hendi seint fullþakkað.

Með frumvarpi því sem hér er um fjallað og þeim breytingum sem hér eru lagðar fram verður stigið stórt skref í þá átt að auðvelda þessum aðilum þeirra mikla og göfuga starf, íslenskri þjóð og íslenskri æsku til heilla.

Með vinsemd og virðingu

Jón Rúnar Halldórsson
Hafnarfirði